

八

編

類

纂

八編類纂卷之十九

函史編

吏曹類

任官考

當漢時疎節闕目，視成周舉蔡已遠，然貴廉潔賤貪，
污賈人贅壻及吏坐贓者，皆不得推擇爲吏，而簡易
弘恕下賢之至意，怛然故漢官特循自晁錯議貴粟
詔民入粟邊，以差次拜爵，而吏道雜矣。當是時干戈
日滋，財賂衰耗，入物者補官，出貨者除罪，選舉陵遲
後，府庫益虛，置武功爵，諸負武功爵官首者，試補吏。

先除軍功用越等者封侯卿大夫小者郎吏吏道雜而多端已入穀入牛羊入奴婢若煮鹽治鐵者皆補吏吏益雜不選而多賈人其後世家子弟富人鬪鷄走狗馬弋獵博塞亂齊民令相引數千人譴之曰株送徒乃其入財者得補郎官職耗廢矣孝昭時修文景之政遣故廷尉王平等五人持節行郡國舉賢良而郡國所舉選有行義者涿郡韓福等五人願予歸賜帛人五十匹得罷邊初三公舉茂材廉吏各一人左右將軍歲察廉各二人光祿歲舉郎茂材四行各一人察廉吏三人中二千石歲察廉各一人廷尉大

司農歲二人將兵將軍歲察廉各二人御史司隸州
牧歲舉茂材各一人凡郡國守相視事未滿歲不得
察廉以未久不辨知也又詔三公用故事以四科取
士德行高妙志節清白一學通行修經中博士二明
達法令能決疑事案章覆問中御史三剛毅多畧遇
事不惑才任三輔四諸皆有孝悌廉公之行乃辟其
刺史二千石察吏孝廉茂才尤異者務實覈試以職
乃舉有不稱并坐而是時州牧奏二千石長吏不任
職不復下三公三公不復遣掾吏按驗澄察然後黜
如異時朱浮刺以爲陛下以使者爲腹心使者以從

事爲耳目。是尚書之平。獨決於百石之吏。故羣下苛刻。各自爲能。兼以私情。容長憎愛。有罪者心不厭無咎者被空文。非所以經盛衰貽後世也。大都漢時士以經學行誼自守高。而三公辟士以能致賢才。自詡諸博學洽聞修潔之儒。致有五府俱辟。四司並命者。州牧於士望。先以禮托爲布衣交。已乃辟用。其辟除不赴者爲題輿虛坐。不更署其重。如此而南陽樊英之倫。至厯天子備玄纁玉帛禮聘之。其廬旣至。天子降窳設壇場。几杖尚書奏引延問。失得如侍神明。而高遠智貞人潔士。激揚風流者。猶皜然隱避不污。

也。豈非盛哉。故黨錮之禍。前踣後振。政溺於上。議清於下。大權盡去。天命且改。而姦雄盜篡之夫。猶逡巡卻立。而不敢動。有以也。張九齡爲上言。天道雖遠。其應甚邇。乖政之氣。溢爲水旱。今六合元元。懸命於縣令。宅生於刺史。則刺史縣令。陛下所與共天治親民者也。苟非其人。水旱繇之。今京輔雄望之郡。刺史猶曰少擇。若江淮隴蜀三河大府之外。類多非人。其繇京官出者。皆身坐疣。負政無善狀。或附會以忝高位。而勢衰形露。以不稱遷。刺史已然。况縣令乎。夫昨庶國家之本。務務本之職。而輕之承弊之民。而擾之而

聖化此銷鬱矣。古者刺史入爲三公，郎官出宰百里。欲內外均勞，謂宜并定其資。凡不歷都督、刺史，雖有高第不得任侍郎、列卿。不歷縣令，雖有善聲不得任臺郎、給舍、都督、守令。雖遠者不使十年在外，則天下從可治也。且今天下不治于上古，而事倍於往初。吏部條章舉羸千百，巧猾胥徒因緣爲姦。夫始造簿書，備遺忘耳。今反求精于案牘，而忽於人才。凡稱吏部，謂其能爲官擇人。因賢授任者也。今膠以格條據資，注職士人有平配之誚，官曹無得賢之實。誠令刺史縣令精覈其人，管內當舉選者，精考才行，然後送臺。

吏部擇焉。以所用衆寡爲州縣殿最。則州縣慎舉。多可官之才。吏部因成無庸。人之擾矣。今歲入選者萬計。京師米物爲耗。冒濫抵於此。而方以一詩一判定其去留。豈不遠哉。且用人宜第其高下。賢否不淆。高下有次。則不可以妄予。而天下之士必爭務刻意修職飾事。而刑政自清。此興衰之大端也。會考功員外可不郎不稱爲士。所詆訶。詔移貢舉於禮部。以侍郎主試。禮部選士自此始。肅代兵興。天下多故。舉選濫而銓弊。禮部員外郎沈旣濟上書言。古今選用之法。九流常叙者三科。曰德。曰才。曰勞而已。今選曹之法。乃在

書判言辭之間、夫安行徐言非德也、空文善書非才也、累資積考非勞也、就令執此無失、猶非得人、况耳目聰明、又有所不及乎、此其弊在法、前代選用皆州府察舉、至於魏齊、多出請託、其時議者以爲外濫不若內收、於是罷州府之權、歸之吏部、今吏部之弊極矣、請五品以上及羣司長官宰臣進叙、吏兵部參議六品而下及參佐之屬聽、牧守選之以清其源、其辟用非公、則吏兵二部得察而劾之、小加黜譴、大寘刑辟、委任責成、孰敢不勉、或曰吏部有濫、止由一門、州郡之濫、其門滋多、均之爲濫、曷若杜衆門而歸一門、

乎。答曰：州郡有濫，雖多門而易室；吏部有濫，則一門不可革也。或曰：當開元天寶中，不易吏部之法，而天下砥平，何必易法而求理乎？答曰：選舉者，經邦之一端，開元天寶之盛，以慶賞不軌，刑威必齊，而理之匪由，吏部臻此也。向令此時用辟召之法，其理不彌久乎？故州郡察舉，在兩漢則治，在魏齊則亂，而魏齊之亂，不勝於兩漢之治也。吏部選集，在神龍則紊，在開元則理，而開元之理，不勝於神龍之亂也。陸宣公贊秉政，始自令臺省長官得自舉所屬，署名奏，後考不稱坐舉者，而讒者以諸司所舉多親故，招賄賂，尼之。

上以語贄贄對曰臣待罪宰相政柄敝歸銓擇自己豈不誠願然宰相不過數人豈能偏請多士展轉諮訪然後得知則是變公舉爲私薦其於情故必復滋多杜岐公佑言昔之論選舉者或云官繁人困要在省吏或云等級很多患於速進或云守宰之職所擇殊輕或云以言取人不如求行是皆能知其失而莫能究其所以失也蓋昔秦法唯耕與戰始得入官漢有賢良方正孝悌力田之科而常歲郡國以丁口率二十萬而貢一人約當時推薦天下僅以百數則考精擇審固其勢也我唐開元天寶歲貢舉輒數千人

而門資武功伎藝胥吏雜流入仕者又不可勝記比於漢代增數十百倍安得不重設等級猥立選限以抑之乎秦氏列郡三十兩漢列國百餘太守入爲公卿郎官出掌縣邑皆得便宜從事濶畧苛文惟責成效寄委旣重酬獎亦崇今之郡符三百五十州縣遞降倍復八九而職司利病不得自專八使十連動相稟覆地卑體蕩勢下任輕誠徒勞而難功冀超擢以速化常情進趣共慕榮達又何暇淹留著績爲乎後魏崔亮爲吏部尚書人無賢愚以停解日月爲斷魏之失才實從亮始隋文盜有天下不欲權分州郡內

外一命畢歸吏部使執政參吏部之職吏部摠州郡之權夫以萬里封域九流叢奏而掄才授職一仰吏曹以俄頃之周旋定才行之優劣故尊賢之道先於文華辨論之方止於書判靡然猥雜銓綜無紀故閱經號爲倒援徵詞同乎射覆置循資之格立數選之制壓例示其定限平配絕其踰涯求其無失不亦難乎夫爲國之本資乎人曠人之利害繫乎官政欲求治理在久其任欲久其任在少等級欲少等級在精選擇欲精選擇在人重土著而各反於本土寡而農工商衆始可以省吏員安黎庶矣宋初太冗置賢良

九議論多
其
一

方正直言極諫若經學優深有師法詳開吏理達教化凡三科不限資見任官及草澤並得克而郡縣無應令者已又許士得詣闕自薦而應舉者三科歲惟正二人對制策又不稱闕疏賜酒饌勞遣之蓋天下亂人不習於文事而然於是詔諸州察孝弟力田奇才異行若文武材幹可任使者具送闕凡七百四人召試無可采自陳習武韜上怒曰是宜隸兵乃皆號呼求免得罷去詔劾所部官濫舉則州郡權輕察舉不審覈之效也於是始復重科舉科制大都因唐而進士科亦特重已又定諸州貢舉條法及殿最之式

而川蜀道所貢士，縣次往，選續食以示優。翰林學士
昉知貢舉，而入第武濟川者入對，廼召問語，失次，止
恠問，已知爲昉鄉人也，黜之，而親覆試諸進士，終場
下第者數十人，賜及第，昉坐縉，蓋進士廷試始於此。
其人選法有貢舉，有奉蔭，有攝署，有流外，有從軍，凡
五等，而吏部銓，惟注擬州郡幕職，兩京諸司六品以
下官，皆中書特授，內外官不署本職，以差遣爲資歷。
其京朝官，則審官院主之，武臣、刺史、副率而上，內職
樞密院主之，使臣三班院主之，其後分典選爲四曹。
文選爲密官東院，爲流內銓，武選爲密官西院，爲

班院而中書有堂選郡縣有奏舉不皆隸於有司而頗重舉官是時天子懲方鎮擅官之弊藩郡闕輒遣京朝官權知置通判諸州各一人詔於幕職及州縣官任職者舉充又詔翰林學士竇儼等四十二人舉才堪通判者各一人已又詔諸州官員闕毋得以攝官蒞事以闕上有司選注已上念銓衡憑資歷而英才沉困也諸詔吏曹署人才可副升擢者送中書引驗拔擢之已上念嶺表民久困於苛政思惠養令吏部銓自荆襄以南州縣選見任年力壯有幹理者判嶺南諸州得携家之官其後命參政盧多遜正選法

違複補闕。滯定經式，而銓綜亦有叙矣。上御邇英講
周禮三年大比，州里贊鄉大夫廡，與上曰：古選士如
此，今率四五歲一下詔，故士有抑而不得進者，令裁
其數而屢舉之，則何如？下有司議，有司言：數舉則無
滯才，人少則易檢察而鮮偽濫。又令寒苦藝學者得
自進，臣等愚所不及。請間歲一貢舉，如詔書。於是進
士諸科，減解額之半，增明經科，意寔寔重經術矣。出
下詔言：朕開數路以詳延天下之士，而制科獨罷不
設，謂俊異何其復制科舉賢良，方正能直言極諫者。
時蘇軾轍兄弟應制對策，攻上身及後宮語，悻直者。

官胡宿欲黜之上曰以直言策人而以直棄之人將
謂何命優與轉官退入宮喜太息曰朕今日爲子孫
得二宰相初兩府始入得舉官上曰薦士不考才而
以輔臣故得進無謂也命罷之已又罷內外舉官歸
吏部審官院選調已又詔川陝福建廣南官迎送勞
苦聽轉運司立格就注免赴選而吏曹言選法遠近
迭居而四路人許連任本路令自便傷偏濫相安石
曰選人之分遠近者所以均勞逸也中州人不願遠
適四路人樂就家用之即兩得所欲庸何傷况省吏
卒送故迎新諸浮費顧不益耶吏曹又言今蜀人在

仕籍者特衆、今自郡守而下、皆得就差、一郡之官、土人太半、僚采吏民皆其鄉里、難於徇公、易爲合黨、請收守令闕歸之朝、而他官量立限、兼用其土之人、庶可經久、秦上法不爲改、但嚴提刑司互察之科、然安石本卞急好人、伎已而諸新進生喜事者驟登顯要、置宮觀處老成耆舊、用捨倒置、法雖詳善、亦終不能以自行也、高宗爲康王時、帥河北、見州縣官以三年爲任、一年立威信、二年守規矩、三年則務收人心、爲去計、而久任之議興焉、已薦舉法久益弊、孝宗喟嘆言薦舉欲得人、而干請長奔競、滋弊也、相茂良曰、注

宋坐舉士
亦未見嘗

代良法亦不免於弊今欲精選監司郡守非薦舉無
自知上曰今雜舉則衆論久而定經中書考察則除
授精亦遴選之道也時天子留意考課黜陟之法乃
非久而弊上諭輔臣曰考課欲明臧否而司考者以
喜怒行之是滋弊也自今當精擇監司而以臺諫舉
察如故善終宋代每鄉舉縣令佐察人士有行義者
保任之上州州覆實上本道使已保任而有缺行罪
保舉者其進士科最重而舉首僅以系散秩判州郡
甲乙科而下取試邑丞簿尉令練習民事無驟登華
近者則百代不可易也番陽馬端臨之言曰虞廷九

載采德成周賓興賢能惟尚德也。兩漢刺史得專辟舉魏晉中正甄采行實抑猶得行能之士焉。自世之衰以銓曹署官而所按者資格。於是磨勘小吏得以司升沉之權以科目取士而所程者詞章。於是操瓢末技得以階榮進之路。夫其始進也試之以操瓢末技而專尚乎詞章。其既仕也付之於磨勘小吏而專拔其資格。二者又各爲防閑撿扼之法以相伺。於是選賢與能之意無復存焉者矣。明興高皇帝開天治人惟求賢之爲急。下金陵即令有司舉賢才武畧之士。洪武元年下求賢詔曰。向干戈擾攘疆宇

未一。養民致賢之道未講也。獨賴一時輔佐之功。匡
大業於底定。山林巖穴。念豈無懷才抱德之賢。何隱
而不列也。豈朕政令靡常。國無法守。與抑刑辟煩重
人懷其居。與抑朕寡昧。事不師古。而致然與。不然。賢
士大夫。幼學壯行。欲堯舜君民。豈固甘汨沒而已哉。
今天下。頗定。方將與諸儒。日講明治道。以沃朕心。巖
穴之士。能以賢輔朕。以德濟民者。尚不吾棄。三年。乃
下開科。詔曰。朕特設科舉。起天下抱才懷德之士。
務在經明行修。博古通今。文質相副。其中選者。朕將
親策於廷。品學識命。官為超衆者。顯擢。使中外文臣

一皆由科舉而進。非科舉者不與。六年。詔科舉取

士。終浮文罷。不設。令有司察賢才。先德行。次文藝。舉用。十七年。復科舉法。命禮部頒科舉新式行焉。是年冬。即詔各布政司。府州縣官舉秀才人材。必會同境內耆宿長者。訪求德行道藝著聞州里之人。以充從鄰里保結。命有司驗實。蓋科薦並行。初定金陵。辟儒士范祖幹。葉儀。既至。訪道祖幹。手大學以進。曰。具不出此書。克婺州。置行中書省。召儒士許元。胡翰等。日會食其中。翰二人講經史治道。克處州。以書幣徵宿儒宋濂。劉基。章溢。葉琛。以來。至入見。上喜甚。曰。

我爲天下屈四先生。命有司創禮賢館處焉。晚徵者
儒崇德鮑恂。上海全思誠。安吉余詮。高郵張長年。人
見年皆七十餘。上喜。命坐。顧問者良久。並命
爲文華殿大學士。恂等固辭。上曰。卿等年固高。朕
不欲煩以政。故授今官以輔導。太子免早朝。日晏
乃入。後不久。且從卿志。庶無負卿等夙昔。足爲鄉里
光。而何辭焉。恂等復固辭。乃賜敕禮遣之。時孝廉
人材及郡縣學所貢士。若富戶耆民。皆得見。見稱
旨。即擢不次。而國子生奉命巡列郡。廉官方吏治。
問民所疾苦。還稱上節擢用。爲行省參政僉事。知

府等官至有擢僉都御史者。上嘗幸後苑，見巢鵲翼子，喟然歎曰：誰無母？子羣臣親老者，聽予告歸養。當是時，優百官俸，賜百官公田租復。京官家，賜百官朝服公服，冬衣帶馬，給丁憂官俸，給尤重。慎省府州縣親民官之選，毋之任。召見，賜綺帛路費，而遣已患雜流用爲民害也。命國子監擇監生通經術者千人，送銓部選州縣官。賜遺有加，已作到任，須知俾除授者，就銓部領憑訖，關須知讀。既至官，畫一遵守，毋具文。已下恤民勅。頒諸司職掌于有司。三歲入。觀諸司府州縣官照須知款式造文冊。

并所守地圖若原領。敕諭職掌上之部聽廢置部
奏黜其不職者而定留用官爲三等其廉能惜悌治
行卓異者爲上考。召見獎勵賜坐宴其稱職無過
爲中考。宴不坐。有過不稱職爲下考。不與宴。屏立已
於事而退。諭廷臣言古惟四民四民中惟士爲最
貴而農爲最勞。士讀書明理道出爲君用享天祿故
貴農鷄鳴而起春秉耒而耕耕而種種已而耘夏月
赤日悴形神于芟耨比秋成輸官於所餘無幾矣遇
水旱荒札即舉家受其饑。士入官享祿委民艱於莫
聞。又重侵漁之。亦獨何心。於是命戶部以米計文職

官品歲俸給之數。又計田畝歲出穀之數。與農用力多寡之數。爲之書。命之曰醒貪簡要錄。上謂吏部言。朝廷懸爵祿待天下之士。惟賢是用。何可以資格限也。資格者。獨以爲常流設耳。自今庶官有才能居下位者。不次用於是。召萊州知府修尚書兵部。明州知府文昇尚書工部。是時宜興主簿王復春守公不奉上。上聞。遣吏科庶吉士齋手敕往勞慰。即擢爲同知。新化丞周丹以進士蒞官。有治行考。最擢考功。新化民詣闕願得留。詔復任。禮部宴賞之。而遣猶曩時馭下用重典。有贓罪。懷印綬未煖。輒被逮去。

非。戊卽門誅制科舉諸明經宏詞等科並革存進
上一科與薦舉歲貢爲三途以茲胤三年大比而賓
興之。成祖卽位申勅百官於吏部尤諄重畧言朕
以眇躬續承大統圖惟求賢以資治理宵旰遑遑急
於饑渴其令內外諸司於羣臣百姓中堪重任而沉
滯下僚堪劇煩而優游散地抱道懷才而隱田野者
各舉所知以名聞毋媚嫉毋蔽賢毋徇私濫舉又
諭吏尚書言銓選當各隨所長才優者治事德厚者
牧民各有稱也。有才者不必皆君子有德者必不尚
小人爾必戒之。已又言吏部選授守令出一時銓注

豈必盡才。必精考察。然後其賢否可知也。其令巡按
監察御史及按察司精考郡縣吏自蒞官半歲以上。
各貪廉能否之實以聞。時御史出按者至郡邑坐行
臺已召郡邑諸生及在官人役立詢之具報上。上
謂尚書義曰。往命御史考察外官。欲任賢退不肖。庶
幾民受其惠也。今御史不博詢。惟即在官數人之言
定賢否。論何由公。吏固有勤職業必刑罰爲小人所
忌惡者矣。亦有貪賦賄低首下氣。依阿澆忍爲小人
所安利者矣。如以其詆誣而罷退之。以其保留而進
用之。黜陟豈有當乎。宜嚴戒飭務盡公。毋枉毋縱已。

用尚書義言在京文職七品以上及近侍官五品以上及縣正官舉所知五品而下官及軍民有賢良廉幹堪牧民居風憲者各一人以聞部驗實以舉者多少爲差次擢用其保舉非才授職後聞葺貪婪者舉主連坐。昭皇帝卽位首申重舉官之令。謂廷臣曰君以求賢爲務臣以薦賢爲忠人才大小皆有所用天下之廣豈無臯夔顏曾之徒誠得一人可勝千百宜悉心訪之。諭尚書義曰天下治亂繫庶官唐太宗書刺史名于屏風朝夕省覽有善政疏其下故庶官效力致斗米二錢外戶不閉甚盛。皇考亦嘗書

中外官姓名於武英殿南廊。至慎重也。今府部官朕朝夕繼見得詢察其賢否。若各省都布按三司官。乃旬宣大臣。隆重矣。而朕未親識其人。又不悉其姓名。卽聞其賢否邪正。久不能省憶。臣工善不善。而上忘之於勸戒。何有吏兵二部。其具各都司各布政司官姓名履歷揭西序。朕得親品騰焉。又諭尚書言御

史。朝廷耳目。非老成識治體者不任。新進小生遽授斯職。未達於治。而操得爲之權。遇事風生。以喜怒爲威福。以好惡爲是非。甚者貪穢狼藉。賢人君子正直不阿者。往往被其陵挫。小人阿順從諛。則與爲膠

添於政事得失軍民利病畧不省識亦烏在爲耳目也爾吏部自今其慎選擇以清風紀已上以武臣

疏於事理命選任方面參政副使等官於各邊參贊軍務治章奏督糧儲文臣協贊提督自此始已命

擇御史行天下察吏治上臨諭之曰國以民爲本

比牧守多尅害民不聊生故遣爾等分道考察然人

材器不同有專爲脂韋諂媚而失政殃民者矣有沈

靜篤實不善逢迎而簡易得民者矣有虐刑巧取索

而能集事者矣有廉潔自守而政務不舉者矣必究

竇以聞無惑流言毋屈勢要毋私親故賜鈔而遣已

命擇國子生有學行者十六人俾翰林嚴試拔其尤
試六科尋擢爲給事中 敕文武官有奉公差在途
及在任物故者所在棺斂津遣還鄉母令失所有父
母年七十而上無它兄弟侍養若任遠不能就養者
聽歸養待親終日起復任其不得離職願移祿於原
籍奉養者聽職官年七十而上膂力愆不勝任者聽
致仕有司月給米二石終其身文武官非其人許被
害者赴上司陳告若誦 闕訴不許擅自緝縛違者
治罪 詔朝臣歸展省者官給鈔爲道里祠祭賔客
費大學士士奇言非人文學遠不逮南人然自古國

家兼用南北士，長才大器多出於北方。乃南士往往材而浮。上曰：然爲將奈何？對曰：試卷例彌封姓名，請自今外書南北二字。如一科百人，南取其六，北取其四，則南北士皆登用矣。上曰：善。北士得進，北方學者亦感發興起，議且定而。上賓宣德初，乃奏行著令。宣宗明聖以長年嗣位，問天下治亂之故甚熟。既踐祚，下求賢詔出。御制濟南操招隱詩。

賜大臣以風。大臣奏：蘇州等九郡號劇繁難治，擢郎中况鐘、莫愚、御史何文淵、員外陸本深等，知蘇、常、溫、吉安等府。上召見宴勞。賜璽書曰：朕孜孜夙夜。

保民圖治。而田里之民鮮安其生。則守令匪人。恣肆貪刻。或闖冗慵懦。坐視民患。爲蒙蔽也。將下情何自上通。上澤何由而下施乎。今特簡爾等付之列郡。夫方千里之民。皆爾繫命。宜體朕心。以保愛爲務。察其休戚。均其徭役。興利除害。同其好惡。使衣食有資。禮義有教。其毋玩毋慢。毋事苟簡。毋爲權勢所脇。毋爲奸吏所欺。凡公差官員有違法害民者。聽具實奏聞。所屬僚吏有作奸犯科者。聽自提問。爾等宜奉職循理。終始不違。以無負朕委任之意。命乘傳行。敕吏部。天下府州縣官有能清正忠君愛民。政治卓異者。

具奏其貪黷壞法爲民所怨苦者逮赴京罪之已

上念京師乃本原地澄清所先而放濁當飭治也

閣學士士奇對曰貪風自永樂季年來有之於今爲甚。上問何也士奇對曰永樂十五六年後太宗

以多疾不視朝故從官放濫無忌顧先皇帝知之

每欲澄清。上問是時貪孰甚學士榮對曰方賓問

今日貪孰甚對曰莫甚劉觀士奇曰風憲所以警肅

百僚憲長貪則不肖御史效之御史貪則不肖有司

皆效之此放濁所始也。上捫髀歎息曰嗚呼除惡

務本因問廷臣中今誰可使長憲事者士奇對曰通

政使顧佐嚴公有威。其人也。嘗任按察使及御史。有風采。榮曰。是爲京尹。能令令必行。上太息曰。顧佐乃能如是。居數日出。觀巡閱河道。又數日擢佐掌院事。下敕曰。都察院爲朝廷耳目。國家紀綱得人。則庶政清平。羣僚警肅。否則百職怠弛。小人橫恣。近年京師諸司奸弊。紛出。夙慮者不糾。顧與和同。即國經何賴焉。爾剛直廉正。簡在朕心。其竭誠盡力。毋憚夙夜。毋避權要。毋在良善而縱姦宄。其各遵御史有廉勤公正老成醇厚者。留用。不達政體。貪淫無耻。若犯贓罪者。送吏部降黜。公差給假。丁憂者一體行。

其御史缺。行吏部慎選以充。欽哉。於是考察御史不職者二十餘人。削籍。貪淫不法者。謫遼左。諸衛充吏不諳憲體者。左遷。老疾免。而觀子輻以脇制諸道。騁私滅公。逮下獄。論歿宥。戍邊。觀罷官。隨住憲臺。肅清已。上御左順門。謂侍臣曰。郡守縣令。國家所寄。以安民者也。賢不肖混。則中才之士。無激勸而忘反。吏部職進退百官。乃未畱甄別何也。於是命推部侍郎出巡撫四方。廉吏治。而于謙以御史擢巡山西。河南。周忱以長史擢巡南直隸。各省專設巡撫自此始。時上重舉官。大臣奏舉賢能官者。上爲降辭。

色慰藉廷臣選愼無舉薦降 敕責而司府州縣官亦各得舉賢良方正一人上之部後有贓罪連坐已合 臨御來三科進士 親試文筆殿拔其尤授修撰編修評事等官進學 文淵閣優待之 命內閣考在外庶官有文學者六十人拔其良七人歷事六科而天下郡縣學生員年四十五以上者考選送國子監令及時進用其官有贓罪即復職嘗所得 誥敕畢追奪 上嘗與侍臣論前代官制慨然感唐虞稽古建官惟百夏商官倍之盛也輔臣以曠世不同對 上曰唐虞三代事簡民淳即不可上擬至如唐

宗定中外官七百三十。去古未遠亦足爲法矣。蓋垂意於省官。輔臣曰官省則民安甚善。然必由君上清心省事而得之。心清則事省。事省而後官可省也。

上曰善。正統初議者言府州縣正官專保舉。則恩出於下。宜循洪武永樂初制。令吏部選除閣學士士奇言。往藩憲二司及府州縣官不得人爲百姓患。若以吏部權衡。獨擅聞見不廣。未盡得人而然。宣宗皇帝敕大臣保舉。比多得人。聞有一二非才。自緣舉主審覈不精。亦容徇私。而所司不行糾察。故也。况所舉官皆吏部審擇。具奏得俞旨。乃授。非上允不得。

授恩固上出也。昔唐太宗命在京三品以上官舉郡守縣令而天下昇平。邇有京朝官闕冗無籍人無爲保舉者。遂營爲飛言。欲隳良法。惟陛下幸察於是。詔保舉如故。而嚴舉官連坐之令。已又下。

敕言布政司按察司方面官。從吏部都察院考察。二司屬從巡按御史按察司考察。監察御史有贓濫。從都御史及各道御史糾察。按察司官贓濫。令本司同僚官互察。而吏部初任注選不得除監察御史官。御史缺京三品以上各舉一人。聽吏部精體訪奏。授。又敕牧民官縣令最親。必得人而後民乃安。近方面郡

守。由保舉率得人。潔已奉公。而知縣缺員未舉。豈果難其人耶。抑爲例拘不舉耶。進士監生皆國家作養成才待用者。何曾是不省也。自今進士觀政一年。監生坐監三年以上有學識者。由吏員入官。歷兩考廉慎忠厚愛民者。科道官各保舉聞送吏部銓用。已又命在京四品及國子監翰林院並得舉。蓋實重守令已。又敕文武官非舊制濫設在任官罷軟無能若老疾不堪任使及行止不端者。畢汰省。毋靡費廩祿。復以九年爲滿。善政著聞者仍舊任。而增秩加官。用給事中鮑輝言。諸來朝官有廉能愷悌治行超

異者禮部引奏。賜勅獎勵。賜宴于禮部。吏部錄功狀。俟考滿。顯陟高者。至九卿。當是時。薦馭公。諸司選任。專之天曹。故撫巡憲臬牧守縣令。無慮清慎。惠和。號稱得人。及張太后崩。三楊沒。而王振用。名保舉。而進退人材之權。實內移於中官。當是時。即令吏部銓。能自振乎。議者不察。以保舉爲病。何言之過也。景泰初。大臣保舉者多私所親。故爲養交。甚且受賄。屬而不得薦者。因歛望爲流言。銓部大臣亦頗以銓選權不盡在已也。籍籍誹保舉。於是御史張子初。鍊綱等言。御史從大臣保舉而任。則大臣有過必鉗口。

卷舌而不敢言。其有請囑，必俯首帖耳而不敢異。願
察之以清弊源。下禮部議部是御史言歸部銓已細
復言吏部選授私舛請復保舉大臣以其議偏反無
足賴也。覆上下制曰：朕期方面郡守得人共安養
天民。令大臣保舉。吏部推選。乃彼此相蒙。官不得人。
民其奈何。今後惟布政使按察使缺。令三品以上官
會舉。餘吏部訪求。著爲令。英廟復辭益明習於政
治。命吏部擇內外臣僚爲郡守。陞辭日召詣文華
殿。親諭訓勞。給鈔爲道里費而遣。詔處士中有
學貫天人才堪經濟。隱居尚志不求聞達者。具以聞。

於是遣行人奉書幣聘臨川處士吳與弼至京。廷見問勞，有加禮，授春坊左諭德，辭不拜。賜璽書遣行人禮送歸里。先是正統初，副都御史吳訥言：洪武間京官俸全支，後因營造減折為著令，祿以寢薄，通小官不自給。前廣西道御史劉準由進士授官，俸月支僅米石五斗，不能養母妻女，貧同官俸至三十餘石，終歿不能償，乞下廷議增京官俸。而國初皂隸供役，後以俸薄放寧家，月徵銀一兩，名柴薪錢。宣德中，都御史顧佐持憲嚴，以柴薪事被訐。上持章密召閣學士士奇謂之曰：爾不舉顧佐廉乎？今

其事有無。士奇對曰：有之。今朝臣月給俸實支一石。薪炭馬芻，咸資於皂，勢不得不遣半以歸。皂亦樂輸銀歸耕於官皂均便。此仁宗皇帝所爲。增朝臣俸也。上太息曰：朝臣之難如此。因怒訴者曰：朝廷用一好官，輒爲小人所排擠如此。召佐以吏所誹狀授之曰：放皂歸耕，使給薪芻。聞京官皆然。不足過。小人誣正，付汝自治之。已復有重囚教囚誣告佐枉重辟，不聽理者，會鞠情得。上震怒，命囚西市。而柴薪皂隸爲著令。祖宗時日御晚，朝廷臣門奏事甚悉，輔臣密勿於用人尤謹。每吏部具缺，上或簡

除或保薦皆公朝傳旨行永樂中傳旨方賓兵
尚書卽日到任此簡除也宣德正統間用輔臣言重
保舉之法景泰初命吏部專行成化中選授私舛或
請復保舉於是命京堂四品以上官具缺上朕親簡
除面權密下移廷臣大患之於是吏科給事中沈瑤
等言兩京四品以上官陛下親簡用之矣外方面
官又廷臣保舉則吏部所司者何事宜令吏部遇京
堂官缺會內閣推方面官缺會同三品以上保舉防
專聽之漸復上命查祖宗時例得簡除事
大怒曰此祖宗時舊規御史給事中顧不欲朕行

豈薄朕耶。於是廷臣不敢復言，而傳奉出中官以爲常。成化中，太監張敏，敏兄子苗，以承差得太常丞，乃傾敏貲爲獻，乞侍郎不允，得南通政，而是時白丁錢虜，商販技藝，若豪宦子弟，率貨緣內侍，進珍玩輒得官。大者至太常卿、通政丞，不復關吏部，謂之傳奉官。弘治初，以災異汰革，而吏部尚書王恕言考課之法，所以覈官守，彰黜陟，以嚴吏治者也。今被災所在，考滿官，令納米備賑，免赴京復任，造湏知功績類繳。臣惟各官廩祿有限，而雜職之祿尤微，苟非取於公，必至剝於下。是使考課法格不行，而貪惰之風日

滋也。請目今考滿者，俱給山赴部聽質。已又言永樂
正統間，天下亦有災。邊亦有戎馬。時未聞納糧
草納銀納粟爲監生。而用足也。乃邇年來奏開
諸例，而諸邊腹裏遇災，效尤爲長策。故例進日
廣，而正途因壅不行。多者至十五六年不得選。年邁
力衰，誰復爲盡心營歸計。爲國牧民任事
者，又此等。今旣以爲難，豈能以廉律已，欲不貪
財害民。天下治安，臣於元年具奏題止，而
部院又題覆請行。是使後難進人益多，而選法益壅
弊將安極也。旨曰可。其後天子益明聖，坐煖閣召

宰文升入面諭以明春當三歲觀察百官卿用心體訪明黜陟以肅官紀時文升老上虞其贖也復諭曰卿聞未頓首曰聞之聖心留意庶官爲天下蒼生此宗社之福敢不盡心上喜命中書掖下階又詔召尚書大夏都御史珊至幄中言爾等與各科道官諸所陳政務業行矣然使天下府州縣親民官非其人卽政何自行民何由被澤是文具無益也卿等其悉心體訪諸巡撫三司必慎揀得人爾珊更慎擇巡按御史巡方岳黜陟庶有司得人而民可受福也大夏珊頓首受命明年考察竣加文升少師

召大夏珊入。賜元寶各一錠。謂之曰：日朝覲諸司文官皆閉門。令如卿二人。即門洞開。就從以賂通者。又曰：勿朝謝。令公卿知內愧也。六年詔考察官未及三載被黜者聽復任。先是吏部考頗以多黜爲公。方面而下有微瑕輒斥。大學士濬言：唐虞三載考績。三考黜陟。今居官未半歲而黜。又所黜徒風聞不皆實。非祖宗法。不便。故有是命。一時見枉者皆喜得直。乃後選者愈壅。而貪殘吏亦益以滋。嘉靖間兵部以虜警請添遣大臣經畧。上曰：天下官有定負。負有定職。惟未得人舉職。故有事輒擬添官。今邊務責巡

撫芻餉賣所司。令盡心經理而可矣。道經畧庸滋擾。何爲。且虜賊出沒無時。士須休養待敵。其毋遣。是時用輔臣言出翰林官調外任親民練政事。而諸府州縣官簡入院爲侍從官。正德中附權倖傳陞得文階者盡革。又裁諸冗官至二千餘員。罷武官耗食者三千有百十人。進士科文體。敕毋浮冗。必古雅精確。臨軒制策往往出。上所親製。巍煥其文。其後土木禱祠之事作而。國費不給。戶工部增納銀事例。鬻官買爵。幾同賈術。大臣婪恣美遷除。往往以私賄得通營。宮殿將作供焚修方士。禮書工書諸富人。

貴濬予姦胥大猾往往竄名營繕藉中得官無慮數千人隆慶初並革而原本遺詔嘉靖中以忠諫屏廢歿者錄蔭存者召用若干人崔文敏銑覈舉議曰昔者成周受田百畝死徙不出鄉聯之以比閭族黨教之以德行道藝正之司徒升之司寇六德爲本六行爲輔六藝爲翼無奇袤岐其心無饑寒空其身處服孝弟出效忠順迨其世降德衰蕞爾之國必有賢哲尋常相語亦引典法稱先王則教之効也國家造士專用經術豈不勝古之工詩賦習法令乎哉然業之易能假深造少而易仕不俟大成考學記之

故守曲體之序

人生十年
日明學章

業山行成事以年易者未

有也故士業經求仕鮮以祇身舊法里老保其行試

而升之學再保其行試而升之省是猶里選之遺也

而久棄爲具文即令舉行民遷徙靡常未易覈實間

巷細民惟視財勢長吏任四五年不以微勞遷即以

小瑕黜里選何自而行乎是以上憑科舉曰付至公

故試而得士若博之中呼其取之失人若奕之遭負

何則非有參驗之詳觀考之素可賴也自督學之官

設而郡縣守令以事有尊職委之於不治督學使者

數歲乃一至事煩日寡無裕於施教故士以益荒宜

歲令縣令察舉民年十五以上能通四書及占一經
性行淳謹者上之守而登之學其輕狡者雖才不右
督學官考校黜升之法必本之性行責之太守審驗
當否而懲獎施焉間有幸舉者不延矣其省官議曰
呈祖設官分六部以萬務而臺諫拂其違責郡縣以
六事而按察使糾其濫自大夫而下必三考乃進二
階故官簡而該事約而舉功久而就卽冗官鮮已自
宣德迄今額外添設笑管累百不督之勤功而爲之
分責不已謬乎况入仕之途不清而多彙進之人經
久之守恬不動於慮而懷速化之望天下皆是也官

添則廣欽廣則易轉倖門一啓居亾固志事至備
限守以逃責事成務爭知而讓過是以士節不勵獄
要不結集其文案可束牛腰稽其實績僅同蚩翊夫
一人而收十羊則戢一羊而卅二牧則騫孔子譏官
事之攝老子著烹鮮之喻良有以也中朝官冗濫未
論姑言外服賦稅學校捕寇治訟充伍百工之技郡
縣之所得理也使縣精其成府可逸矣府精其成省
臬可逸矣省臬之職別勤惰覈廉貪予能而翼純者
也事連兩郡而不相下害出大豪而勢難搏則省臬
當之今守巡之外別立數衙彼焉坐司署止以文移

相維屬吏不奉談議民不聞進職不亦闕乎且邇年
小官愈多而害民愈甚又官愈小則中無守外無覲
而心愈益貪夫土之出粟不加多而官冗員日加益
此民所以益困也抑非徒冗員也又苦代丞文中子
曰成周之隆邦家有社稷焉兩漢之盛牧守長子孫
焉不如是之亟也無定主而責之以忠無定民而責
之以教雖曰善治末由也矣古治朝遼闊未論論近
事國初臺省不甚通御史陞按察僉副或徑陞使
久則入中臺爲左右都知府久則陞布政使若參議
久則詳部侍故繩糾者諳法令而牧循者練治體今

臺省通矣又爲小轉法春爲知府或僉事於南迨
秋則副使矣又參議於北矣又春則參政憲使馳騫
於東西矣其進士科知縣事者率三歲而擢惟下僚
以資格限者乃積歲不遷即行能高不振夫遷代如
是其亟也彼其視地方之凋弊若過傳頽圯之更於
前視生民之困苦若駟馬肥瘠之經於目也即善政
美意未效而去誰適爲治誠令修古三考黜陟之法
諸美政表聞者就增秩加官勿使移徙誠知其人或
先超遷而後久任以大屬其氣如周忱由長史于謙
由御史徑陞侍郎王

朝由御史

晉陞都憲誠善其政或久任後超遷以大慰其

陸瑜山布政使陞尚書何文淵知府陞侍郎
陳璉由知州徑陞知府知府陞按察使又通政

使即任者一人之身計之渣滓乘除與驟遷適等又何必轉輾繁促令僕僕道路費供億不訾乎胡端敏之言曰祖宗時立賢無方故士得真才而用今清要之官專取一途百官叙轉特憑初選進士初選授吉士吏部則殿閣臺省之重可優游安坐不勞而得之是教競而導驕也故士初入仕即有夤緣美官之心既得美除即為待祿養交之計乃邇年來進士當次者聞南京之缺即避近侍當權者遇京堂之缺即爭士氣然政理何望古刺史入為三公即官出宰

百里。宋所取狀元皆先試僉判，而後召補館職。真
臺諫蓋以翰林臺諫上寄。朝廷耳目心膂之司，下
儲公卿宰輔之望，不敢輕試以新進之士也。聖祖
論人之姦良亦言試之事，而後見豈可以新進未嘗
試之人而繫居耳目心膂之任也哉。請自今百官陞
授畧倣唐內外均調之法，不歷刺史郡守不得任侍
郎列卿，不歷縣令不得任臺郎給舍，進士出身不得
徑選科道部屬州郡正官京官外補，不得徑陞參政
副使參政副使缺，惟推訪知府知州知縣久次卓異
則守令知重而善政而務生民蒙福矣。

八編類纂卷之二十

實用編

六曹類

吏曹

洪武四年中書上府州縣一千二百三十九凡官五千四百八十八人七年減北方州縣官三百八十八人十年又併省州縣二十九年革大理寺移其案牘於後湖建文後設豈吝官爵哉念此元元欲食之者寡也諦觀大誥最重民間者宿其所推即舉所厭即措故諭吏部曰衆人惡之一人悅之未嘗益也衆人悅之一人

惡之未必邪也。正人治官事，燭私其家，當公法則不私其親，邪人反是。夫不以愛憎，不以非譽，而惟取決於得失，民心知人之鑑衡定矣。當時厲民之官，大則誅小，則屯田工役，不知者有錙銖泥沙之議，胡不取醒貪簡要錄觀之也。夫才不足宜民，而善事上官，烏川才量不足容民，而含垢忍辱，烏用量守不足保民，而恬退寂寞，烏用守赫赫天曹，非文塲非禁宇，非市司，而使綺語清談，浮名厚利者，居康功田功之上，故天下之官之品千態萬狀，其雌黃亦千態萬狀，而閭巷小民之德怨，隔雲泥而不聞，安望道德一而風

儀禮
天宮

大明會典內一款凡六科每日收到各衙門題奏本
狀奉 聖旨者各具奏目送司禮監交收又題文簿
陸續編號開具本狀俱送監交收又一款凡各衙門
題奏過本狀俱附寫文簿後五日各衙門具發落日
期赴科註銷過期稽緩者參奏又一款凡在外司府
衙門每年將完銷過兩京六科行移勘合填寫
送各科收貯以備查考欽此及查見行事例在六科
則上下半年仍具奏目繳本在部院則上下半月仍
具手本赴科註銷以是知稽查難奏自是 祖宗成

憲第歲久因循視爲故事耳請自今伊始申明舊章凡六部都察院遇各章奏或題奉明旨或覆奉欽依轉行各該衙門俱先酌量道里遠近事情緩急立定程期置立文簿存照每月終註銷除通行章奏不必查考者照常開具手本外共有轉行覆勘提問議處催督查覈等項另造文冊二本各註緊關節及原立程限一本送科註銷一本送內閣查考該科照冊內前件逐一附簿候查下月陸續完銷通行註簿每於上下半年繳本類查簿內事件有無違限未銷如有停閣稽遲即開列具題候旨下各衙門

詰問責令對狀次年春夏季終繳本仍通查上年未完如有規避重情指實奏秋欠二季亦照此行又明年仍復挨查必俟完銷乃已若各該撫按官奉行事理有稽遲延閣者該部舉之各部院誣銷文冊有容隱欺蔽者科臣舉之六科繳本具奏有容隱欺蔽者臣等舉之如此月有考歲有稽不惟使聲必中實事可責成而叅驗綜覈之法嚴即建言立法者亦將慮其終之罔效而不敢不愼其始矣

考歲法

五曰責守令以備兆民之荒歉欲其不啼飢不踰寒國初荒政郡縣立四鄉倉出官銀糶粟貯之以時欽

散先臣楊士奇等。謂爲萬世之利。嘗請殿最於廟朝矣。今水旱一逢。蒼赤坐困。當事者不得已而請。獨請賑。以了目前。則備荒之無素也。誠遵高皇帝

糴穀舊典。查郡縣鄉倉基址。而經營之。當富歲時。處官銀糴粟。以實其中。時歛散焉。每處務期萬石爲率。州縣大者。倍之。需以歲月。倉廩陳陳。不幸而有旱乾。

水溢。州閭鄉黨。可恃無恐。

責實政

漢制以六條察守令。而侵漁百姓。聚歛爲奸者。居其首。孝文帝賞廉潔。賤貪汙。坐贓者。皆禁錮。不得爲吏。或輒行誅。順帝時。遣使察貪汙有罪者。刺史二千石。

驛馬上之墨綬以下輒自收舉法至嚴也我祖宗

朝綜覈吏治於枉法受賕者憲典最重嗣後稍從

姑息人心怠玩遂至廉隅磨缺名檢墮失陵遲之漸

寔以成風靡靡益甚不可禁制故先臣何塘謂受賕

滿貫以上宜籍沒貲產近日大學士張居正亦請將

贓私嚴行追併其言皆痛切時務之要

處贓吏

聶豹曰臣伏讀景泰三年貢舉事例內一欵略云官

員罷職委無贓犯重情而才學可用者並聽內外官

員指陳實跡薦舉赴京考用臣欲推廣此意凡士夫

家食者不論其職之崇卑官之罷否俱令監司府州

縣等官察其居家所爲或善或惡皆從實錄密以申於巡按衙門有司畏勢希寵所申不實按察衙門皆得查究糾劾巡按衙門復加察識定爲考語直以申於吏部吏部兼舉而總察之其未罷職者則以其居家之事跡參諸居官之政事善果相符歟則不次起用可也惡果相符歟則即日罷去可也二者之同功過相準則酌量重輕以爲進退可也其已罷職者且園之賁果能孝友和睦清素恬靜則不可以其前日之失掩其終身之善起馮唐於已廢以發潛德之尤可也惡者則前日雖以罷黜今日尤當創懲其惡

之官爵而誅奸諛於既死又何不可之有哉是不惟
可以遏其挾制官府奸貪狼籍之威而亦可以勵其
老當益壯退思補過之忠者也

考舉
鄉官

左鼎曰歲貢率多年老始得出身每見有文理疵謬
與嘆老嗟卑而觥利者又有候選未逮耄疾跋涉而
殞於京途者誠因其人以酌量之夫固無不可者臣
請於歲貢之士嚴試於提學而甄別之擇其年力未
衰文行俱優者方給文赴京嗣後教有懿範堪任民
牧者當倣國初之制破資格之拘與進士舉人一
體陞擢其年邁有疾或文行不佳者但類爲奏本上

之朝廷即許布政司給以官帶。選授職銜則府州縣之歲貢以時者可變通矣。

法元員

馬文昇曰：仰惟我皇上法古爲治，凡庶官用人，惟由科目出身進士舉人及歲貢監生，得以除授。此外雜流者不得並用。前時三年大比，各布政司設科取士，鄉試所取舉人不多，會試進士亦爲有數。其歲貢生員每府一年貢一人，州則每三年貢二人，縣則每二年貢一人。其歲貢生員入監後，不數年即取歷事。通不過六七年，吏部就爲選用。在部聽選舉人監生無淹滯久積之患，所以年未衰老，志亦清明。一旦任

北亦亦宜
題之孝廉

官。知守法度。罔敢貪污。迨至天順年間。憲臣建議。起送天下在學年四十以上生員。送監讀書。奈各生員。資緣作弊。有方三十五六。或方三十者。亦作四十。起送赴京之數。通有五千之上。既而陝西胡虜犯邊急。缺戰馬。又許生員納馬入監讀書。其納馬之數。又有七千餘名。以後四川陝西地方荒歉。軍民缺食。悉糧賑濟。守臣具奏。又開生員上糧。亦許入監。通前共有數萬。中間多係幼男。自來不曾在學讀書。既作監生。須撥歷事。其舉人監生。雖年壯氣豪者。亦與彼一同挨次取選。始終二十餘年。方得出身。長者老耄。壯者

衰弱家道貧難未免負債於人授官到任債主相逼
因此負人財物豈能展布行事所以官不得人民多
受害至今未選納粟監生尚有七千餘名大壞選法
壅滯人才率由於此本部雖有奏准不許生員納
粟入監事例一遇兵荒府藏空虛未免又要奏開况
獨富民之徭役以重困貧民所損國體甚大不可

不嚴爲禁止

革監進

太祖收攬英賢光輔大業宋濂首議取士莫善於鄉
舉里選深當聖心行之旣效儒臣請設制科上覽試
義厭其詞復設而罷罷而復設始終以薦舉時名爲

未其人其
雖其生
舉三才可

野人所

重而後乃漸重制科。至於今極矣。薦舉辭
召論

漢未遠古既令郡國舉孝廉賢良茂才明經而六郡
良家子弟又各因材力爲官唐宋自進士制科外間
嘗許大臣辟召諸人薦舉然鄉舉里選之意僅存什
一於千百缺有間矣愚因歷稽往牒三代以前未嘗
論詞章也詞章自隋煬帝始唐末路益浮薄焉未嘗
鬻爵也鬻爵自秦政始漢是錯因議入粟實邊孝靈
西邨益浸淫焉世祿不世官恐未必賢也自漢章尚
閑閱魏文定九品五代沿襲唐猶不改貴游子弟徒
以門資取優望世風一變士習愈下雖韋彪劉毅陸

贊揚縮歐陽修范仲淹諸人不能挽其流弊 天啓

休明運鍾 聖祖起濠梁清函夏諸所扈從皆騰揚

廟跡如雲如雨然猶側席幽人超超車乘賁至於金

華青田鎮江壺關信臣國士攀鱗附翼是時諸骨

及有賢良方正聰明正直孝弟力田通經孝廉

舉人等科有稅戶者民入仕例而薦辟特

臣分行采訪或令有司旁求敦請應徵至則處以禮

賢館宋廉劉基章溢葉琛及授守令正字翰林四輔等官元武

徵天下賢才至京授以寺令厚賜遺之六年浙江參

政徐本薦桂彦良奏對稱旨擢太子正字十二年徵

寧國府訓導陳迪為翰林編修十三年置四輔官以

徵全諸儒王本杜祐龔毀為春官杜穀趙民望吳源

為夏官，惟秋冬官未得。人以本等兼之。有不願仕者，壘書賜還。洪武四年，召示。

豐劉于至，初于嘗以賢良徵，因病辭歸。及是復召至，便殿欲官之，于以老辭，特賜還山。十五年，召看儒館。

均等入見，並命為文華殿大學士。均等固辭，勅賜還鄉里。諸所授官，初多出親。

擢洪武二十六年，始定選法。文歸吏曹，武歸兵曹。文

有類選，有抄選，有引選。今見行大選，急選，成化二年，

奏准有遠方選。○凡庶吉士考選，洪武間分置近侍衙門，永樂二年，令就文淵閣進學，後止送翰林院。今

選庶吉士，皆賜題于東閣門前考試。○給事中御史

舊者在類選，後給事中，止于進士內考選。御史以行人

博士進士中書舍人及行取知縣推官吏部會同

都察院考選試職滿日，除實授，今行取科道。○洪

武間，舉人下第，俱得授教職，考中監生，通經儒士，亦得選。教令舉人就教，謂之乞恩選。歲貢有就教選，其授官有試職實授，裁替改降，裁減諸名不一焉。武

官有流有世世官九等

指揮使同知僉事正副千戶衛鎮撫實授試百戶所鎮撫

流官五等

都督僉事都指揮同知僉事各三等正副留守一等

凡襲替審勘從

軍脚色宗枝齋赴

內府比對貼黃然後請

旨益

嘗合

祖宗制度觀之文武夾雜科薦並行正雜咸

用宏謨曲算博大精詳遵行日久寔失初意迺始右

文於武武以文故畸輕重科於薦薦以科故漸廢卑

吏胥不得齒縉紳而彼亦苟且從事無復振拔之思

矣太祖之意曷嘗一日不重薦辟哉故始以洪武

三年開科六年即召停罷別令有司察舉賢才辟選

之詔有一歲而兩下無間歲而不行十七年春頒科

舉定制

三年冬

即詔選秀才人林十八年復詔舉

廉十九年詔舉經明行修練達老成之士二十二年

徵天下名儒修述禮樂

徵梁寅等

二十六年選秀才入直

文華殿

選張宗瀚等隨扈事府分班入直文華殿侍講畢近前說民田里稼穡等事問陳古今孝

弟忠信文學材藝諸故事日以爲常則

聖意所重良可知已先臣崔

銑有云科目而得人若博之中呼其失人若博之遭

負蓋非有參驗之詳觀察之可賴也歲貢嚮以郡邑

之彥肄業成均僉彌得人故宋禮致尚書多豎立

頁十傳見

今掄選舊制行罷數易而專累歲月多日

暮途窮循資選授教職鮮有雋才入成均者矣大學

夙號賢關，往時忠節如鐵鉉，廉貞如師遠。

二公皆國子生，茲見

傳

皆用是典，何者繇於選也。自景泰中始有納粟

納馬等例，於是素封之家携阿堵而雁行，課業傲書，曳白請代，且中書清銜也，半爲此輩龐雜，太常典樂，鴻臚司朝儀也，盡爲此輩營充，西園成市，莫此爲甚。若者不汰源，未可清也。古者辟掾吏，故與士大夫無甚異。國初以身家無過善書者勾充其藩憲府衛州縣所署置，猶有辟舉遺意，迺其崇者不過七品，多用爲掾幕監當筦庫之職，非保舉不得爲州郡，宣德正統間，徐晞况鍾雖登八座，領方面，然晞奴顏鬪振。

矯旨叙遷論者唾之。今則又有不然者。自始爲吏先
責其輸納。提控而下。至于吏典。止以所納之貲。第其
出身之等。故裘馬之子。與市賒之人。蠅營羶慕。巧者
輒弄其刀筆。竄改成案。若者不創源。未可清也。如金
吾羽林等衛。天子親軍也。富者交勳戚中貴人。而
招搖作好。貧者孱弱。濫獲九邊將領。省直官旗。所稱
略閑方召。方叔召庸義死鼓綏者。曾幾何人。若者不一振
刷之。長此安窮也。今夫五尺童子。驕語柱下。漆園桑
門琳室。謬解含珠。禪偈滿紙。津津自謂上乘。父兄師
長。恬不知怪。輒命奇穎。薦紳先生。鳴道率人。亦藉此

爲金鍼巧度彼尤此效轉相成風愚竊謂禁於臨場
考校而不禁於平居肄習非禁也何者其肄習者其
先資者也禁於書生小童而不禁於學士大夫非禁
也何者學士大夫人之望也請自今修復社學教民
小學孝經 大誥律令重師儒必得人如曹端魏驥
者躬行訓誨曹端爲山西霍州學正教人務躬行實
踐魏驥爲松山訓導汲汲造就人才俱見薦辟傳二公其郡守縣令民之師帥自專設督學
有司遂委而不治故邇來守令鮮興教化督學閱歲
一至事煩日少無裕施教士習益荒宜令敷教責之
有司考嚴付之憲臣其督學使者必若孫鼎之貞孝

陳選之清方。每歲縣令察舉民間子弟通經書性惇行謹者。縣上之守。守上之學。憲輕滑者。雖才不錄。生

員按季月考。亦茂選德行而後。及其文一如二等簿

規行非上等不得應貢舉

成化中勅提學各分督所屬官簿錄諸儒生德業為

三等德行優文學贍治事長者為上等有德行而經義治事稍劣者次之即經義優治事長而德行玷缺者列下等歲課月考

非上禁毋得應貢舉又嚴諭士大夫雖解官歸母得

好仙佛鼓其說以惑人古昔盛時列國爭辟士士以

此自重輒近世士醜其行自徭自媒客難賓戲解嘲

固嘗慚之唐藩鎮猶得辟士故昌黎送見辟者序嘉士大夫相與以有成也今上以空文求士士以空文

見投牒自試則士輕棘院禁嚴則士輕士而欲士風
之振在位之彬彬多賢也胡可得哉梁斗輝謹識

議

太祖典則宜民至詳備已其命郡守丞及州守曰昔
君之育民也體天地之造化欲萬物得其所咸亨故
列土以官之使有德者永世祿及子孫於戲當時之
君天地之德日月之明得聖人稱謂德相稱也然當
時之臣自列上之後人不人賢不賢非所有而有歟
取無厭十年而削土者有之三十年而泯號者有之
二十年而覆命者有之十五年而祿盡者有之秦併

六國罷列，土爲郡縣，歷代因之，其司牧之官，無永守之條，故有銓選連年，又未得人，非君不得人，由人負天君民也。所以君知報而君天下，臣知報而名賢天下，民知報而樂於天下，君知報，報天命也。所報者在法治民，君不知報，非君天下，臣知報，報君命而又特報民也。臣所以特報民者何？謂祿出於民，若爲臣而不知報君，則非臣，不知廩祿出焉而報民，則非爲民。上于天下，不知報君，未審何功而官，不知報民，亦未審何勞而食祿。若功勞俱無，卻乃官祿其身，古今未之有也。今命爾當立身務政，必欲知報以格。皇天

之昭鑒。往署毋怠。夫知報格天。爲建官之本旨。獨非當官之定向乎。外任

諭吏部言。朝廷懸爵祿待士。唯賢是川。何拘資格。

資格特爲常流設耳。自今庶官有才能者。不次用。嘗

因吏部奏主事員多。欲以王性吏部主事改戶部。上曰。

初入仕者。政非素習。必久而後通。今未滿考而遽遷。

使所遷非所得。事何繇治。職何繇稱。其令六部勿輕

調當其時。如答祿與權僉事也。得補修撰。趙瑁知府

也。召爲左諭德。葛鈞之學士也。由訓導典。陳敬之吏

侍。王佐之侍講也。由知縣起。才宜外補。卽編修翰學。

以濬參御史

竊終馬亮為監西參政大學士

察御史張鳳為廣法董倫為河南參政

當內遷即都事知府可以戶禮

侍郎

都事徐銓為戶部寺丞知府魏

璠為禮部侍郎

馮堅典吏也一朝而僉都

不為驟貴

事稱前

之

周用新化丞也既晉而復

還特順民情

丹以逆士蒞官

官治行考最權考功新化民詣

以故官無離局無冗

貞朝不廢常民用寧宇益泱泱

乎大備也哉延至建

文永樂以及熙宣率由斯道久任之臣史不絕書弘

正兩後闕矣嘉靖中御史楊順請復舊制閣學士徐

階曰政以時異事以勢殊茲欲盡復九年之舊恐未

易行也第令非有資望者毋輒議遷非有大不得已

者毋輒議調。則通變道得而久。任意存。今之馭吏。大略因之。益亦因時行法之意。然治寢不如。國初。何也。則似久而實未嘗久。遷而實未嘗超也。今國家爲民擇官。乃官爲身擇便。一遇凋瘵。不數月期。轉調去耳。且先朝有增俸加秩。軍民保留事例。如孫亶。知鞏昌。趙豫。知松江。李信。尹遵化。俱秩滿當去。以吏民乞留。故令復職。賜賚有加。河間同知廖謨。台州通判周旭。鑑皆以保留陞知縣。邇年以來。軍民詣闕。保留者幾人。增秩超陞者幾人。前是孫丕揚薦一守臣。

補少卿稱空谷足音焉。近西平丞王藻署遂平有聲
百姓願保爲縣正。駁之者慮尾大不掉。竊聞民爲邦
本。奈何目爲尾乎。昔學士陳以勤嘗議郡縣。旣慢貪
殘數月。覺露即繩以峻法。其官箴不失。未有卓越可
見者。三年定去。留其潔已愛民善政在人耳目者。及
大計撫按。疏聞部核。不謬請褒。如例論以久任。大率
以六朞爲期。其在藩臬職司鈐轄。觀察一方。或總理
於內。或分理於外。體統綱維。所係甚切。陞遷太驟。亦
不免草率爲弊。滋多。昔胡世寧疏議。府尹左布政使
稱職者。宜留久任。選陞六部侍郎。不必更陞。巡撫以

致遷徙不常，不得盡心民事。布按二司宜照弘治以前例，僉事徑陞副使，副使徑陞按察使，按察使徑陞左布政使，叅議徑陞叅政，叅政徑陞右布政使，不必逐級挨陞。南北遠調，以致往來不一。虛曠歲月，官缺事耗，至分巡僉事。初制九年改道，後因屢改，官不省事，人不畏官，刑弊法而誰何。今宜於考滿日方許改道，仍覈其治狀爲殿最。其兵備提學推才力相應者，先陞僉事，後加副使，勿移地方。令久任專制，責其成功。年深勞著者，提學陞少卿，祭酒兵備陞各邊巡撫。其餘照常遷轉才力不稱者，就行調降，毋姑息如是。

則藩臬皆稱其職而屏翰固紀綱振矣其在巡撫宣
德意布詔條蒞官固圉職司最重必歷年久建鈴未
幾謬膺拜書無論送往事居百姓苦之縱抱忠節負
才猷設施安可竟乎何孟春疏云巡撫受任徃徃不
久人方與地宜而地莫能留地方德其人而人莫與
處功垂成而來者交藉事未集而謀者已要其又不
然者屬府未及按部下情未及體悉六條未及舉刺
庶務未及興革席未煖而座已非故欲行久任於外
又宜從巡撫始若乃邊疆之臣倘屈指瓜期郵傳官
舍虜情未諗其虛實地方誰關其利害盛時選曰惟

無久任。是以無固志。惟無固志。是以無實功。故各邊有司亦以三年兩考。比內地加等優遷。有出奇料敵者。以軍功陞用。若才可當大任。即畀以兵備巡撫。仍筦事如舊。督撫歷邊九年。忠猷顯著。即入補冢宰。登端揆。示優酬。則邊才可用。邊効可臻。若乃河堤之使。所宜久任。則吏部尚書楊巍曾建議矣。曰管河部署計。月候代河道憲臣兩載薦更。在省者或到任未久。即求齋捧。齋捧方還。又遂陞遷。要害緩急。未能身履。安能遠計。至如漕運都院。雖職專總漕。而河道諸臣分轄撫按。統馭非一。事權瓜分。即欲殫心畢力。肩濁

河之利害罔繇也。夫河工非眇小也。以暫任之河臣。荷千百年之長計。籌未當而身已去。身纔去而事復敗矣。管周忱、宋禮皆經營數十年。功施到今。則久任責成。又安可在。守令諸臣後也。高皇帝資世通訓。

十七事曰：嘗聞歷代之臣多始而無終者。何曰非仁。

人者不終。

仁謂仁愛於善人及萬物。

非忠者不終。

忠謂為人臣當竭已以事君。勿

欺乃稱

非知三報一祀者不終。

三報謂報君、報父母、報民。一祀謂祀神鬼。

假公營私者不終。代報謂代人報怨。

非孝者不

終。

非孝者不終。

於親。

又侮瞞欺誑者不終。虐

詐而自高者不終。

虐民而詐取其所有者。自

太祖

曰任人之道大小輕重各適其宜若委重於輕是以
拱榭爲梁棟委小於大是以鍾庾盛斗筭服斯言也
則今所謂久任者又當隨材器使宜簡宜繁宜邊宜
腹然後得以展布所長無苦其所不足而任益可久
矣陳建云久任與超遷相爲流通補助愚謂精超擢
均資叙知人善任又久任超遷之一補助也謹以

先朝所已試者序次如左宋訥以洪武十三年徵詣
公車除國子助教十五年陞翰林學士俄拜文淵閣
學士十六年遷祭酒二十三年卒於官訥受薦未幾
榮膺顯秩十年瞽宗高皇遇之可謂善始善終矣

陳迪以洪武八年被薦爲訓導十二年擢翰林編修
陞侍講二十四年出爲山東左叅政二十八年陞雲
南布政使三十一年陞禮部尚書建文四年死難族
誅實在翰林十二年禮部五年憲義初名瑤巴人洪
武十八年進士授中書舍人奏事稱旨 太祖書義
字賜易名命滿九載且用之 建文帝即位超擢吏
部右侍郎永樂二年兼詹事七年駕巡北京佐 皇
太子監國九年與夏原吉同考滿賜宴獎諭 獻陵
即位進少保兼尚書賜繩愆糾謬圖書宣德四年又
賜忠厚寬弘銀章八年加二品九年賜宴禮部 裕

陵即位日因齋宿得病越五日卒謚忠定義受知於太祖簡拔於建文渥矣繼事長陵歷仁宣前後秉銓三十餘年又何久也然貴能謙富能約上前所言未嘗退以語人在吏部尤慎擇郡守考察明恕自永樂改元之歲至成化丁亥凡六十六年吏尚書四人義及郭璉王直王翱而何文淵協贊不與焉夏原吉湘陰人鄉薦遊太學洪武三十一年任戶部右侍郎建文元年充福建採訪使四年轉左永樂元年任戶部尚書專理蘇松及兩浙農事三年召掌部事十八年改北二十二年復任北宣德五年卒謚忠靖原

吉歷事 五朝前後中外戶書二十七年其功業最
可表見者如濬嘉定劉家港常熟白茆港而吳浙水
患息議除鬻割鞭背連坐妖言誹謗之刑而 祖宗
德澤培薦陳瑄總漕薦周忱巡撫又若庶幾以人事
君者是時寒夏齊名寒簡重善謀夏弘裕善斷靖難
後外兼臺省內參館閣吁俞可否期於有濟三十年
間民安吏治稱能臣焉郭璉新安人初名進太學生
永樂中爲戶部郎官宣德初爲行在吏部左侍郎
上爲改名璉四年代蹇義爲行在吏部尚書正統七
年請老先是宣惠初內閣言用人之柄不宜專在吏

部令三品以上京官薦用方面郡守至璉入吏部又令五品以上京官薦用御史知縣人多嗜進覓薦至行金錢請乞言官論奏僅罷五品薦舉璉秉銓十四年廉潔務採實行不用浮薄游聲譽之士雖爲內閣所侵能堅忍持正自行其志王直字行儉太和人永樂二年進士爲庶吉士翰林召入內閣書機審文字尋授修撰正統八年累官吏部尚書代郭璉景帝初進少傅屢乞遣使奉迎上皇不允景泰三年加少師兼太子太師何文淵以右侍郎加太子太傅爲尚書佐直未幾文淵去王翱代中書舍人何觀御史

練綱前後章劾直累請老不許。裕陵復位遂致仕。直在翰林三十餘年。秉銓衡又十餘年。恭勤廉慎。時方面官罷。廷臣薦舉。專屬吏部。直留意人才。于請斷絕奔競。稍息居第。湫隘。曾不屑意。臨川聶大年嘗詣直。直不爲憾。大年卒。泣銘其墓。恨未能薦大年也。後卒。贈太保。謚文端。王翱字九臯。鹽山人。永樂十三年進士。宣德中累官僉都御史。正統元年鎮守江西。未幾巡浙江。拊善摧奸。吏民畏愛。四年松番用兵。不效。翱出贊理。六年鎮陝西。七年東虜殺掠。吏民師出。輒北。遼東西震動。且撼漁陽。翱提督軍務。明年陞副都

御史留撫遼十二年出塞破虜有功陞右副都御史十四年轉左是年秋虜分寇廣寧清野困之虜退去景泰三年召還臺尋加太子太保是年建州酋李滿住上番書乞留翱遼東不許翱在遼實十一年後又總督兩廣平蠻尋召還臺陞太子太保兼吏部尚書佐王直天順初直致仕翱專任嚴考察公銓註抑奔競杜請寄一時任使並稱得人在吏部又十餘年成化三年致仕後卒贈太保謚忠肅周忱字恂如吉水人永樂二年進士預進學文淵閣十年授刑部主事陞員外二十二年爲越府右長史宣德五年以廷臣

薦陞工部右侍郎巡撫江南直隸至則召父老與示
革病考滿九年轉左正統六年兼巡撫嘉湖十四年
八月陞戶部尚書改工部仍巡撫景泰元年引年不
允明年請老召還京致仕又明年卒謚文襄忱江南
巡撫二十二年守量恢弘才識通敏蒞事精勤臨民
和易有善謀者雖卑官賤吏皆開心訪納性尤機警
籌畫諸郡錢穀鉅萬一屈指無遺筭嘗爲冊曆記日
所行事及陰晴風雨有告報輒按據詰訊人莫能欺
每出會計視地豐凶事緩急爲弛張調劑變通民無
逋食官有餘積前後理財者皆不能及方忱之始至

也。民亦有周白地之謫。至末年始有米鋪地之謫。江南愛戴若父母。及没尸而祝之。至今猶思周尚書也。宋禮洪武中歲貢入太學。永樂三年任工尚書。四年出四川採木。七年事竣還京。九年出濬會通河。十三年再命督木四川。兼巡撫。十四年勅取回京。二十年卒。任司空內外共十八年。工營繕成河渠。黃福洪武中鄉貢。主簿清源。有惠政。遷金吾衛知事。三十一年以論大計稱旨。超陞工部右侍郎。建文四年轉左。及任工尚書。永樂三年改北京刑部尚書。四年督安南軍餉。五年掌安南布按二司事。二十二年由工書鎮

交趾召還工部命掌詹事府事宜憲二年仍掌交趾
二司事三年又回部四年經略漕運七年改南戶尚
書參贊軍務掌南京兵部事正統五年卒謚忠宣實
任工侍五年工書兩京共三十七年前後在交趾十
九年威德宣華夏而功績在兵漕斯亦偉丈夫哉于
謙字廷益永樂十九年進士宣德五年由江西巡按
超陞兵部右侍郎巡撫山西河南遍歷梁晉問民疾
苦百弊漸剔馬政河防民租軍賦一經擘畫遂成規
式正統元年上便宜十事九載轉左侍郎十一年薦
叅政孫原貞至來自代降大理左少卿兩省萬人赴

闕乞留得復巡撫。凡歷十八年。每議事入京。不持一物。兩省人皆尸祝之。十二年。復右侍郎。還部。十四年。駕北狩。以皇太后旨。陞兵尚書。調兵禦虜。爲城守計。裕陵復位。爲石亨等誣。迎立外藩。籍其家。謙死。上始悔。成化二年。遣官致祭。曰：先帝已知其枉。朕心實憐其忠。弘治中。特贈太傅。謚肅愍。建旌功祠。令有司春秋致祭。吳百鵬任南贛巡撫。督兵捕寇。吏部以其久在兵間。稍遷大理寺卿。未代。隆慶元年。都給事中歐陽一敬等言：巢賊屢撫屢叛。頃高砂下歷出。粵岑岡爲患。叵測不宜輒易。撫臣宜留百鵬。屬以勦賊。

爲便吏部請從其議陞爲兵部右侍郎兼都察院右
僉都御史仍提督軍務巡撫南贛劉璉任山東右參
政長勛生宣府贊理軍務總督糧餉先是九載秩滿
陞從二品俸至正統九年又歷九載上念其勞陞
戶部右侍郎令任事食俸如故傳啟讓任河南按察
司僉事公直勤慎才守兼優開封城東河水爲患躬
率民築堤捍禦田得耕種民免流移又開歸德府鳳
池口以洩河流民受其利宣德三年以九載秩滿考
最河南民二百餘人具奏乞留上諭行任吏部曰
僉事能興利除患民愛之當從所欲其陞啟讓祿四

品令復任范常知太平府留心農事募民樹藝時亂後乏種官廩有穀數千石常請于朝悉發出貸至秋大稔私庾既實公廩亦充乃興學校延師備民甚德之洪武元年召入爲侍儀訪以時政及古今事宜常直對無隱遂擢爲翰林直學士尋兼太常卿時肇興禮樂講究設施常多預議後復爲起居注以疾致仕御製詩以賜之終于家陳本深知吉安府爲政平易庭無滯訟民深德之正統六年九載任滿當詣京所屬九縣耆老數千人保留巡按御史以聞命復任陞正三品俸卮暹知鳳翔府正統十年九載任滿考

最當遷百姓乞留巡按御史以聞令復任孫遇知徽
州府勤慎有惠政兩以親喪去屬民保留天順元年
秩滿民復保留之右僉都御史李秉以聞命復任陞
正三品俸王儉知河間府天順中與濟伯楊善保其
才守兩賢乞量陞京職上以河間歲饑仍令賑濟
俟有成效擢用久之刑部右侍郎周瑄以儉賑荒事
竣移吏部奏請旌擢得召至京陞爲左僉都御史黃
嵩以平樂府天順六年秩滿當代其屬縣民赴巡撫
本僉都御史葉盛訴言嵩有惠政乞爲奏留盛會藩
臬覈實以聞令仍舊任黃瑜知肇慶府成化五年考

滿賜勅勉諭之俾復任先是巡撫都御史韓雍薦爲諭
才識老成詔加從三品俸至是歷任尤載撫按三司
連章奏其公勤乞陞方面仍理府事吏部請賜勅諭
勉再任三年然後擢川從之劉斐知處州府處有礦
礦夫多悍禁難治先年添設兵備以制之斐蒞任撫
馭有方及江西盜起調征有功正德九年巡撫都御
史陶琰言此輩先經從役有不遜語賴斐威信素布
僅得爲用誠恐克捷而還恃此益驕請陞斐秩仍在
本地方撫治下吏部議陞爲江西布政司右叅政仍
治府事姜濤任河間府同知施公平撫綏有方吏

民信服宣德七年以九載滿赴京府屬七縣民請闕
奏乞留上曰畿內之官得民心如此可嘉命陞本
府知府黃忠任真定府同知廉謹有爲正統三年以
九載秩滿請京屬縣官民耆老數千人奏乞復任下
巡按御史覈實行在吏部言忠考最當遷命陞本府
知府楊彥禎任嚴州府同知正統三年秩滿九載部
民保其公勤廉慎撫字有方乞留巡按等官覈實以
聞令復任陞從四品俸王庸任南昌府同知正統三
年以九載考滿部民數百保庸愷悌公廉乞留復任
巡撫奏聞事下行在吏部覆奏陞正四品令復任陳

璉東莞人舉于鄉永樂中知滁州以寬厚爲治均徭役鋤強暴民用太和 文皇巡幸北京所過先遣廷臣察吏治誦民隱治有異效者加陞擢衆言滁績最滁人恐失之詣闕乞留遂陞揚州知府仍掌滁事賜綺一襲鈔五百貫給驛道還在滁十年嘗再同考會試進巡狩頌平胡頌驍吹鼓歌擢四川按察使治績已著二十二年召還陞南通政使宣德元年吏部言璉素有文學仍以通政掌南國子監事正統元年任南京禮部左侍郎五年致仕滁民思之祠于醉翁亭與歐陽修王禹偁三賢祠云董貫任應天府判專理

馬政景泰六年以九載考最當陞屬民言其勤慎寬厚撫字有方人不煩擾馬用蕃息乞復任巡撫尚書李敏等以聞吏部請如所保令復任陞從五品俸湯盤任建寧府推官樂和任成都府推官皆有惠政及民宣德二年俱九載考績當遷其民奏乞留之命陞六品職仍在本府視事金鑄知大城縣公正清廉恤民疾苦民愛之宣德元年以九載滿赴吏部民伏闕乞復任上謂行在吏部曰牧民有善政者古有增秩其令鑄復任陞從六品俸李廣知歸善縣練達政務人民信服宣德二年以九載考最當陞縣民請闕

乞留令復任陞正六品祿劉道成知黃巖縣爲政公
勤善於撫字宣德三年秩滿九載例應陞用縣民奏
乞復任吏部爲之言上曰旣得民心宜從所奏令
復職而增其祿曹銘知香河縣正統元年秩滿九載
當遷縣民詣闕奏言銘公勤廉恕撫字有方保留復
任命陞本府通判仍理縣事高文知深澤縣正統三
年秩滿九載當遷屬民數百詣府告留掌府事參政
周監以聞上命巡按御史廉之果有治績命陞六
品俸仍治縣事馬玉知隆德縣善政及民正統四年
秩滿九載當遷民不忍釋詣布政司保其公勤才幹

乞留復任右參政年富以聞事下行在吏部覆奏命陞從六品俸仍知縣事劉晟知沂陽縣正統四年秩滿九載行在吏部考其秩滿當遷以耆老保留令復任劉岳知寧鄉縣正統五年秩滿九載考最當遷縣民保其蒞事公平乞留復任行在吏部覆奏命陞六品俸仍理縣事馮泰知大邑縣正統八年九載任滿吏部考最當遷縣民保其蒞事公平乞留命陞六品俸任如故黃子嘉知東鹿縣善政及民景泰五年秩滿九載民不忍其去相率詣闕保其廉能得親民之體乞留之命復任陞從六品俸蕭翼知長垣縣廉貞

有爲先是河決民多溺死翼躬視撫綏一邑免於凍餒聽政之暇輒訓課諸生講明經傳多所造就士民懷之景泰五年巡撫少卿陳詢寺丞李奎等交章薦其才超陞順德府知府翟觀知瀧水縣縣與猺撞鄰最難難治觀善於撫字民狝感畏尋以丁憂歸前巡撫都御史劉大夏訪其服將闋也奏加俸二級還舊任正德元年以疾求退巡撫潘蕃言觀每親抵賊巢推誠撫諭冀其悔悟有強梗不服者又能用計督兵相機擒斬幹辦公事必盡其心在縣令中勤能最著宜陞職以旌之吏部請如蕃奏陞肇慶府知府仍知

張廉任蒲州判守法愛民州人愛之正統八年
適知州缺巡按御史及布按二司爲民保廉宜陞用
吏部言躡等難允上曰能得民心即良有司正當
旌擢何躡等之有其從之黃致任寶應縣丞佐理勤
慎正統六年以九載考滿當遷耆民乞留之行在吏
部移文覈實以聞令復任陞七品俸衛景嚴任真定
府知事正統九年考滿屬民赴巡按御史言其贊郡
勤慎澤及于民乞爲奏留具以聞令復任陞正六品
俸張繹任宜川縣主簿居官勤慎量民貧富均其徭
役歲徵稅糧二萬八千餘石不勞而集捃撫流移令

各安業訟簡弊革上下信之景泰三年縣缺員民
懇乞陞秩御史甘澤具以聞命陞繹爲宜川知縣黃
金蘭任貴池縣典史寬厚愛民洪熙元年考績至京
邑民父老請闕請復其任上曰能致民數千里乞
留是不負朝廷任使矣超擢本縣知縣論曰金鑄
於治泥成於弊信哉是言當皇祖時飭吏治者數
矣以故一時人盡灑濯世傳奕葉猶襲餘麻秩久者
褒榮勞著者顯擢何隆隆也豈非漸摩使然哉余紀
其人次其事無慮數十家雖懼掛漏亦足以發明史
治一大都矣然傳安兩使絕域留滯二十一年白首

生還可謂蘇卿流亞。乃止給勅賜老。則曷以故。

安兵科給

事中以洪武二十八年庚午其留滯者十二年永樂五年始歸十四年封別矣別里納里失罕為王兒屬北虜留滯復九年宣德元年始歸前陳敬宗十八

年司成南雍實以不屈闔掖不遷轉風節薄乎霄漢

教化肅於瞽宗

敬宗七歲考滿至京授素其名欲致之門下故月德通其意敬宗不往

以禮幣求書程子四歲走筆酒之而歸其禮辭充不往故官太學者十八年

迺胡濙三十二年宗伯在浙湖南最久又何為者

建文帝在滇南命吳中二十年司空行多貪不齒於

其室

中妻嘗曰吳中一生為人所行清廉二字

何足數哉何足數哉噫非

忠廉宣惠以孰能當此任者虜萬曆癸卯季夏念三

臣梁斗輝謹述于聚教新舍

任官議